

## **Maria Elisabeth (Genoveva) Deflorin-Peder, Selva**



La Genoveva ei naschida ils 5 da fevrer 1928 a Cavorgia sco feglia da Leci Antoni Peder e Maria Genoveva naschida Venzin. A Cavorgia ha ella passentau ina ventireivla affonza.

Suenter ver frequentau las scolas dil vitg eis ella serendida egl jester per gudignar il paun da mintgadi e sustener ils da casa. Aschia eis ella stada fomitgasa a Solothurn e plitard serendida a Wallenstadt e luvrau leu en fabrica. Suenter in ulteriur engaschi a Vilters eis ella returnada ella patria a Cavorgia.

Igl onn 1966 marida ella il giuven Toni Vigeli Deflorin da Selva. Els secasan ell'ucliva da Selva e fan leu il pur. Il menaschi puril, la famiglia cun treis feglias, portan sulegl e ventira, lavur e quitau. Dapi in tschuppel onns ei la Genovava vegnida mudergiada d'ina nauscha malsogna. Treis jamnas avon la mort prematura ha ella stuiu serender el spital a Glion. Da cuort cuoz ei silsuenter la dimora el Tessin stada. Il Segner ha clamau ella a casa tier el ils 18 da fevrer 1992. Ella ruaussi en pasch.